



SUBVENCIONS A ENTIDADES E CLUBS DEPORTIVOS PARA APOIAR O DEPORTE DE COMPETICIÓN FEDERADO PARA 2010

Dentro do labor de fomento e apoio ás iniciativas das entidades sen ánimo de lucro que ten atribuída esta Deputación, consciente da importancia de fomentar o deporte en todas as súas facetas e coñecedora das carencias que teñen aqueles que desexan realizar a súa práctica, establece axudas para paliar ese déficit que se rexerán polas seguintes:

BASES

1.— FINALIDADE E OBXECTO

- 1.1.—Esta convocatoria, destinada a clubs deportivos federados, márcase como obxectivo específico apoiar as entidades deportivas nas actividades derivadas da participación en ligas ou competicións oficiais de ámbito comarcal, provincial, autonómico ou nacional, convocados por organismos oficiais ou federacións deportivas galegas, nas modalidades deportivas de implantación na provincia de Pontevedra, conforme o disposto na Lei 7/1985, de bases de réxime local e demais normativa de aplicación.
- 1.2.—Estas axudas financiaranse con cargo á aplicación 10/340.341.489.20 do orzamento da Deputación para 2010, cunha dotación de trescentos tres mil euros (303.000,00 €).

2. BENEFICIARIOS

Poderán optar a estas axudas as entidades e clubs deportivos que cumpran os seguintes requisitos:

- 2.1.—Carecer de fins de lucro (acreditándose declaración responsable do solicitante).
- 2.2.—Estar ó corrente das súas obrigas tributarias coa Axencia Estatal Tributaria e coa Seguridade Social.
- 2.3.—A modalidade practicada polos clubs federados ten que ter implantación na provincia de Pontevedra.
- 2.4.—Estaren inscritos no Rexistro de asociacións deportivas da Dirección Xeral para o Deporte.
- 2.5.—Non estar incurso en ningún dos supostos de incapacidade ou incompatibilidade para a percepción de axudas ou subvencións públicas.

3. DOCUMENTACIÓN

Cada club só poderá formular unha única solicitude dunha modalidade deportiva concreta nos modelos normalizados, que facilitarán no rexistro xeral, na sección de Deportes ou na páxina web da Deputación: www.depontevedra.es.

Achegarase ademais a seguinte documentación:

- 3.1.—Fotocopia cotexada da tarxeta do CIF
- 3.2.—Fotocopia cotexada da tarxeta do NIF do representante
- 3.3.—Certificación orixinal dos datos bancarios da entidade ou ben copia cotexada
- 3.4.—Orzamento asinado estimativo de gastos, referido á modalidade deportiva.
- 3.5.—Declaración orixinal do representante na que conste se solicitaron outras axudas, de non estar incurso en causas de incompatibilidade ou incapacidade para percibir subvencións da Administración pública e de aceptar as bases da convocatoria, segundo modelo aprobado, así como a autorización á Deputación para optar ás certificacións da Axencia Estatal Tributaria e da Seguridade Social.
- 3.6.—Declaración responsable de estar ó corrente coas Obrigas Tributarias da Axencia Estatal Tributaria e coa Seguridade Social.
- 3.7.—Certificado de estar inscritos no Rexistro de asociacións deportivas da Dirección Xeral para o Deporte

Este documento ten exclusivamente carácter divulgativo, sen que o seu contido teña valor xurídico vinculante



- 3.8.—Certificación, segundo modelo aprobado pola Deputación, da federación galega ou a que no seu caso corresponda, na que se especifique:
 - 3.8.1.— Participación do equipo en competición na temporada 2009-2010
 - 3.8.2. Número de equipos participantes, por categoría do equipo, nivel da competición e sexo
 - 3.8.3.— Número de licenzas por categoría e sexo que participa en competición na temporada 2009/2010

As entidades poderán autorizar á Deputación de Pontevedra para solicitar da Axencia Estatal Tributaria a certificación de estar ó corrente coas Obrigas Tributarias e coa Seguridade Social.

Se o escrito de solicitude non reunise os datos de identificación calquera dos previstos no art. 70 da Lei 30/1992, de 26 de novembro, o interesado será requirido para que, nun prazo de 10 días hábiles, emende as faltas ou presente os documentos preceptivos, indicando que, en caso de non facelo, se terá por desistido, arquivándose sen máis trámites.

4. LUGAR E PRAZO DE PRESENTACIÓN DE SOLICITUDES

As solicitudes presentaranse no rexistro xeral da Deputación:

- Sede Pontevedra: Avda. Montero Ríos, s/n (horario de luns a sábado)
- Sede Vigo: Rúa Oporto, 3 (horario de luns a venres)

Ou tal e como se establece no art. 38.4 da Lei 30/1992, de réxime xurídico das administracións públicas e do procedemento administrativo común.

O prazo de presentación de solicitudes será dun mes contado a partir do día seguinte ó da publicación da presente convocatoria no Boletín Oficial da Provincia.

5. VALORACIÓN DAS SOLICITUDES

A concesión das subvencións realizarase en réxime de concorrencia competitiva..

A selección das peticións e a contía das subvencións determinarase unha vez consideradas as actividades que se van realizar, ponderando as seguintes circunstancias:

1. Nivel de competición da agrupación ou club: ata 15 puntos
2. Número de licenzas federativas: ata 15 puntos
3. Número de equipos participantes por categorías na actual temporada: ata 15 puntos
4. Equipo sénior en categoría nacional: 5 puntos
5. Adecuación das actividades que se van realizar ó interese provincial: ata 30 puntos

As propostas da concesión de subvencións someteranse á aprobación do órgano de goberno competente.

Transcorridos seis meses, a partir do día seguinte do remate do prazo de presentación da solicitude, sen que os interesados obteñan unha resposta expresa, entenderase desestimada a petición.

6. RESOLUCIÓN DA CONVOCATORIA

A instrución do procedemento de concesión de subvencións correspóndelle ao Xefe do Servizo de Deportes, que realizará de oficio cantas actuacións estime necesarias para a determinación, coñecemento e comprobación dos datos en virtude dos cales debe formularse a proposta de resolución, de conformidade co previsto no art. 24 da Lei Xeral de Subvencións.

As solicitudes de subvención para cada un dos programas serán avaliadas conforme ós criterios sinalados anteriormente, pola Comisión de Valoración, órgano colexiado composto por:

- Presidente: O Deputado-Presidente da Comisión de Deportes e Xuventude
- Vogais: Dous/dúas técnicos do servizo de Deportes. Un/unha Técnico do servizo de Intervención.



- Secretario: Actuará como secretario, sen voto, un/unha funcionario/a do Servizo de Deportes.

A Comisión de Valoración poderá:

1. Acadar cantos informes estime necesarios para resolver.
2. Emitir informe respecto das solicitudes de subvención.

A resolución da concesión deberáselles notificar expresamente a todos os solicitantes de forma fidedigna.

7. XUSTIFICACIÓN E PAGAMENTO

Unha vez notificadas as axudas concedidas, os clubs beneficiarios deberán xustificalas no prazo de trinta días e en todo caso antes do 31 de xaneiro de 2011.

Para cobrar a axuda concedida as entidades deberán estar ó corrente das súas obrigas tributarias coa Axencia Estatal Tributaria, Seguridade Social e coa Deputación de Pontevedra, situación que determinará de oficio a propia Deputación, a través do Servizo provincial de Intervención.

O aboamento da subvención materializarase mediante ingreso na conta sinalada pola entidade.

O beneficiario da subvención, de acordo co establecido na base 25.8ª-2ªf) de execución de orzamento 2010, para efectos de xustificación deberá remitir un certificado acreditativo de toma de razón na contabilidade da entidade ou club. Conxuntamente deberá presentar declaración de se recibiron ou non outras axudas ou subvencións coa mesma finalidade e acreditamento da debida divulgación do financiamento por parte da Deputación da actividade subvencionada, sendo suficiente a declaración responsable por parte do representante de a ter feito.

Ademais, ós clubs que se lle outorguen subvencións por importe de 6.000 € ou superiores, quedan na obriga de insertar o anagrama de Deputación na súa vestimenta cunhas medidas aproximadas de 20 cms, así como nas vallas ou pancartas das súas instalacións deportivas; acreditando mediante fotografías ou recortes de prensa da presentación do equipo tal circunstancia.

8. ÓRGANO COMPETENTE E XURISDICCIÓN

De acordo co establecido na base 16.2 das de execución do orzamento para 2010 e dando cumprimento ó establecido no artigo 18 da Lei xeral de subvencións, o órgano competente para a aprobación destas bases é a Xunta de Goberno.

A resolución do procedemento notificaráselles ós interesados conforme ao previsto no art. 58 da Lei 30/92, de 26 de novembro de Réxime Xurídico das Administracións Públicas e do Procedemento Administrativo Común. O vencemento do prazo máximo (6 meses) sen terse notificada a resolución lexitima aos interesados para entender desestimada por silencio administrativo a solicitude de concesión de subvención.

Contra estas bases e as resolucións administrativas que se adopten na súa execución poderá interpoñerse, potestativamente, no prazo dun mes, recurso de reposición perante o órgano que a ditou. Poderá entenderse desestimado dito recurso, se transcorrido un mes dende a súa interposición aquel non se tivese contestado. Neste caso poderá interpoñerse recurso contencioso-administrativo perante o Xulgado do Contencioso Administrativo coo se prevé no art. 8 da Lei 29/1998, de 13 de xullo, da Xurisdición Contenciosoadministrativa (tras modificación dada pola Lei 19/2003, de 23 de decembro) no prazo de dous meses. Asemade, contra a presente resolución tamén poderá interpoñerse directamente dito recurso contencioso-administrativo no indicado prazo.

En todos os casos os prazos contaránse a partir do día seguinte á recepción da correspondente notificación ou da data na que o recurso de reposición se entende desestimado.

9. DEREITO SUPLETORIO

**Este documento ten exclusivamente carácter divulgativo,
sen que o seu contido teña valor xurídico vinculante**



Para o non previsto nesta convocatoria serán de aplicación as normas incluídas nas bases de execución do orzamento xeral da Deputación de Pontevedra para o exercicio 2010 e na Lei 38/2003, de 17 de novembro, xeral de subvencións (BOE núm. 276, de 18/11/03) e demais lexislación de desenvolvemento.

Pontevedra, a 22 de febreiro do 2010

[Solicitud subvención](#) |
[Certificado federación](#)